



ISO 14001

A close-up, slightly blurred photograph of a person's hand wearing a blue glove. The hand is holding a silver spray bottle with a green spray nozzle. It is spraying a yellowish-green liquid onto a bright green surface, likely a lawn or garden. The background is out of focus.

ISO 14001

Ključne prednosti



ISO 14001 je međunarodno dogovoren standard koji postavlja zahtjeve za **sistem upravljanja zaštitom okoliša**. Standard pomaže organizacijama da poboljšaju svoj ekološki efekat kroz efikasniju upotrebu resursa i smanjenje otpada, kroz **postizanje konkurentske prednosti i povjerenja zainteresovanih strana**.



Šta je **sistem upravljanja zaštitom okoliša**?

Sistem upravljanja zaštitom okoliša pomaže organizacijama da prepoznaju, upravljaju i nadgledaju i kontrolisu svoja ekološka pitanja na „holistički“ način. Ostali ISO standardi koji se bave različitim vrstama sistema upravljanja, kao što su ISO 9001 za upravljanje kvalitetom i ISO 45001 za zaštitu zdravlja i sigurnosti na radu, koriste strukturu visokog nivoa. To znači da se ISO 14001 može lako integrisati u bilo koji postojeći ISO sistem upravljanja.

ISO 14001 je pogodan za organizacije svih vrsta i veličina, bez obzira na to da li su privatne, neprofitne ili vladine. Standard zahtijeva da organizacija razmotri sva pitanja u vezi sa okolišem relevantna za njeno poslovanje, kao što su zagađenje zraka, vode i pitanja kanalizacije, upravljanje otpadom, kontaminacija zemljišta, ublažavanje i prilagođavanje klimatskim promjenama te korištenje resursa i efikasnost.

Kao i svi standardi ISO sistema upravljanja, ISO 14001 uključuje potrebu za kontinuiranim poboljšanjem sistema organizacije i njihov pristup rješavanju ekoloških pitanja. Standard je nedavno revidiran, a ključna poboljšanja su povećana istaknutost upravljanja zaštitom okoliša unutar procesa strateškog planiranja organizacije, veći doprinos liderstva i snažnija posvećenost proaktivnim inicijativama koje podstiču ekološki efekat.

Podstaknuti bolji ekološki učinak dobavljača.

Kakve **koristi** će to donijeti mom poslovanju ili organizaciji?

Postoji mnogo razloga zašto organizacija treba da usvoji strateški pristup u poboljšavanju ekološkog efekta.

Korisnici standarda su izvjestili da ISO 14001 pomaže da se:

- pokaže usaglašenost s tekućim i budućim zakonskim i regulatornim zahtjevima;
- poveća uključenost rukovodstva i angažovanje zaposlenih;
- poboljša reputacija kompanije i povjerenje zainteresovanih strana putem strateške komunikacije;
- postignu strateški poslovni ciljevi kroz uključivanje pitanja okoliša u upravljanje poslovanjem;
- osigura konkurentska i finansijska prednost kroz poboljšanu efikasnost i smanjenje troškova;
- podstakne bolji ekološki efekat dobavljača putem integracije u poslovne sisteme organizacije.





ISO ne
obavlja
certifikaciju.


Treba li **da budem certifikovan** prema standardu ISO 14001?

Prema standardu ISO 14001 akreditovana certifikacija nije zahtjev, tako da organizacije mogu imati ogromne koristi od upotrebe standarda a da ne moraju proći kroz akreditovani proces certifikacije.

Međutim, certifikacija koju obavlja treća strana – odnosno certifikacija gdje nezavisno certifikaciono tijelo auditira vaše prakse prema zahtjevima standarda - način je na koji vi pokazujete vašim kupcima, klijentima, dobavljačima i drugim zainteresovanim stranama da ste ispravno implementirali standard. Štaviše, nekim organizacijama certifikacija omogućava da pokazuju kako ispunjavaju regulatorne ili ugovorne zahtjeve.

Iako ISO razvija i objavljuje standarde, on ne obavlja certifikaciju.

Za više informacija o certifikacijskom procesu i kako pronaći certifikacijsko tijelo, molimo posjetite dio posvećen „certifikaciji“ na našoj web-stranici (www.iso.org).



Primjeri **uspjeha** nakon implementacije standarda ISO 14001.....

Organizacije koje koriste standard ISO 14001 ostvarile su odlične rezultate u nizu oblasti, uključujući smanjenje potrošnje energije i vode, koristeći sistematičniji pristup u usaglašavanju s propisima i poboljšanje ukupnog ekološkog efekta.





Premier Foods

Poboljšanje odnosa sa zainteresovanim stranama i osobljem

„Od 2001. godine koristili smo standard ISO 14001 da ostvarimo veliki napredak kao što je povećanje stope reciklaže naše organizacije. Od marta 2013. godine nalazimo se na 'nultoj deponiji' i recikliramo i ponovo koristimo 100% našeg otpada. Nastavili smo da poboljšavamo odnose sa susjedima zato što imamo uspostavljene procese koji nam omogućavaju da brzo reagujemo na bilo koji problem. Između ostalog, naši procesi i proglašenje 'šampiona za ekološka pitanja' omogućava nam da mobilišemo naše osoblje da bude angažovano u zaštiti okoliša kao i da postanu svjesni potencijalnog utjecaja na okoliš“.



Richard Giles

Premier Foods, Velika Britanija



UPCON Corporation

Izgradnja povjerenja i konkurentnosti

„UPCON pruža usluge podizanja propalih betonskih podova uz pomoć svoje jedinstvene UPCON metode. Dobijanje certifikata prema ISO 14001 u 2008. godini omogućilo nam je da efikasno dokumentujemo sve detalje naše metode koju bi svi zaposleni podijelili i standardizovali kvalitet rada na svakoj lokaciji. Pored povećanja konkurentnosti kroz precizniju kontrolu kvaliteta, ISO 14001 također ojačava povjerenje u našu metodu pokazujući da se zahvaljujući njoj uzrokuje 90% manje emisije CO₂ u poređenju sa zamjenom betona. Osim toga, od kada smo dobili certifikat, porasla je angažovanost i motivacija osoblja, jer su sada syjesni da i oni kroz naše proizvode i usluge pozitivno doprinose zaštiti okoliša.“

Nobukazu Matsudo

UPCON, Japan





**Međunarodna organizacija
za standardizaciju**

ISO Centralni sekretarijat
Chemin de Blandonnet 8
Case Postale 401
CH – 1214 Vernier, Ženeva
Švicarska

iso.org

© ISO, 2015
All rights reserved
ISBN 978-92-67-10647-2



**Institut za standardizaciju
Bosne i Hercegovine (BAS)**

Vojvode Radomira Putnika 34,
71123 Istočno Sarajevo,
Bosna i Hercegovina
Tel: + 387 57 310 560
Fax: + 387 57 310 575
e-mail: stand@bas.gov.ba
web: www.bas.gov.ba